

Hantu Mata Sepet

Penulis **Latif**



Tanpa mukadimah, aku ingin terus kepada cerita seram. Aku nak berkongsi kisah anak aku yang berumur lebih kurang lima tahun — kejadian berlaku pada tahun 2013.

Sebelum aku bercerita, aku ingin menitipkan namaku sebagai Latif, manakala nama isteriku sebagai Sofia kerana cerita ini adalah cerita seram dari manusia — bukan dari makhluk tanpa nama.

Aku betul-betul kkuatir, jika aku tidak menitipkan nama samaranku sebagai Latif — tidak mustahil pembaca akan sewenang-wenang menuduh — cerita seram ini mungkin ditulis oleh 🧛 hantu.

Kebiasaannya, aku sampai rumah dari tempat kerja dalam pukul 6:40 petang. Seperti biasa, pabila sampai rumah, aku rehat seketika — hilangkan penat meredah kesesakan lalu lintas. Aku duk melesir di luar rumah sambil tu menghisap rokok — hilangkan peluh sebelum mandi.

Waktu itu, kalau tak silap aku — dah waktu Maghrib sekitar pukul 7 lebih, sebab terlihat biasan cahaya fajar berwarna merah dari matahari mulai tenggelam beralih ke suasana rembulan.

Di waktu Maghrib ini anak aku yang berumur lima tahun dan tujuh tahun — kecoh main kejar-kejar dalam

rumah — biasalah budak-budak — dulu masa usiaku budak-budak pun sama macam ni — mustahil budak yang belum mumaiyiz dah sibuk memikirkan rancangan hendak menjadi jutawan kosmetik — lagilah mustahil budak belum mumaiyiz memiliki pola pemikiran positif hendak menjadi Ahli Parlimen mahupun Perdana Menteri. 😞



Tiba-tiba, Sofia datang ke muka pintu — memanggil aku masuk ke dalam rumah. Perasaan aku menggetus hairan...

Latif : Apasal pula ni? Muka isteriku yang tersayang cuak semacam jer.

Masuk sahaja ke dalam rumah Sofia meminta aku bertanya kepada anak bongsuku — Iman — apa yang dia nampak? Aku yang terkebil-kebil kehairanan tanyalah kepada Sofia...

Latif : Apasal? Apa yang Iman nampak?

Sofia pun membuka cerita sambil dia baring di sofa — sementara tunggu waktu Maghrib beralih kepada rembulan malam, tiba-tiba Iman lari menerkam ke arahnya...

Iman : Umie... orang tu suruh Iman lari. Lari Iman lari.

Iman menceritakan situasi seram yang dia alami sambil membuat mimik muka – mulut buka tutup buka tutup serta tangannya tunjuk ke arah dinding, sebelah pintu tandas.

Aku gelak jer melihat mimik muka Iman – ingatkan dia main-main. Untuk pengetahuan pembaca, Iman tak pernah kenal pun makna perkataan hantu atau momok. Aku dan Sofia tak pernah ajar, malah tak pernah sebut pun nama-nama hantu atau momok depan anak-anak. Cerita seram! Lagi larr tak bagi anak-anak tengok.

Untuk mendapatkan kesahihan dari Iman yang membuat mimik muka pelik lagi melucukan – aku tanya anak bongsuku ini...

Latif : Iman nampak apa tadi?

Iman tetap ulang perincian yang sama disertai dengan mimik mukanya – mengecilkan matanya ke tepi jadi sepet turut nganga tutup nganga tutup mulutnya – macam nak gigit sesuatu. Aku tanya lagi...

Latif : Iman nampak kat mana tu?

Iman tunjuk di dinding yang sama di sebelah pintu tandas. Aku tanya lagi...

Latif : Macam mana rupa orang tu?

Secara selamba tanpa sedikit pun menunjukkan perasaan takut – Iman jawab...

Iman : Muka orang tu kaler hijau gelap. Rambut orang tu pacak-pacak macam ni.

Sambil Iman menggayakan bentuk rambut “orang tu” – aku dapat imaginasi rambutnya seperti kumpulan kugiran heavy metal Iron Maiden – terpacak-pacak lagi berserabut panjang menggerbang – aku dah mula cuak mendengar penjelasan dari anak bongsuku ini. Aku tetap bertanya lagi...

Latif : Orang tu tinggi mana?

Serta-merta Iman terkebil-kebil memikirkan sesuatu tup tup tup dia jawab...

Iman : 🙄 Emm... Iman tak tahu – 🤪 orang tu takde kaki.



😱 Perghhhhhh!!! Serta-merta seluruh bulu roma aku meremang lagi merinding pabila Iman jujur mengatakan orang tu tiada kaki. Aku bertanya Iman lagi...

Latif : Ada lagi tak orang tu?


Iman memandang ke arah dinding pintu tandas dan dia jawab...

Iman : Dah ilang da.

Selepas kejadian anak bongsuku nampak hantu mata sepet *colour* hijau gelap berambut Iron Maiden — Sofia terpaksa tunggu aku balik rumah 6:40 di kedai makan — sebab tak berani balik rumah. Akhirnya jalan penyelesaian, aku mintalah ustaz datang untuk tengok-tengokan rumah ini. Untuk memudahkan pembaca memahami jalan cerita seram ini — aku menitipkan nama ustaz sebagai Karim.

Dipendekkan cerita, ustaz Karim datang ke rumah — anak-anakku pula bermain di tingkat atas. Aku naik ke atas dapatkan mereka serta cakaplah kepada mereka...

Latif : Kawan abah datang, marilah turun salam dengan kawan abah.

Tup tup tup Iman tak nak turun —  siap nangis-nangis lagi tak tentu pasal. Terpaksalah aku dukung**nya** bawa jumpa ustaz Karim.

Ustaz Karim baca ayat Al-Quran — hembus di mata Iman. Dalam keadaan Iman sudah tenang tidak menangis lagi — ustaz meminta Iman pejamkan mata — seterusnya ustaz bertanya kepada Iman...

Karim : Iman nampak tak, kat mana orang yang usik Iman tu?

Iman mengangguk-angguk kepala. Ustaz Karim memandang aku seketika dan ustaz bertanya lagi...

Karim : Kat mana orang yang usik Iman tu? Tunjuk kat ustaz.

Dalam keadaan mata Iman terpejam, serta-merta dia mengacungkan tangan serta jari telunjuknya menghala ke arah bawah tangga — tangga yang menghubungkan ke tingkat atas. Serta-merta aku memandang ke arah tangga yang ditunjuk oleh Iman — memang tak nampak hantu sepet yang mengusiknya di situ tu. Seterusnya ustaz meminta kepada Iman...

Karim : Iman, buka tangan Iman — ni ustaz letak bara api dalam tangan Iman — Iman baling bara api ni kat orang tu.

Serta-merta ustaz genggam telapak tangan Iman, macam bagi sesuatu. Apa yang aku lihat — tak nampak pun bara api yang diberi oleh ustaz ke dalam genggaman tangan Iman.

Dalam keadaan mata terpejam rapat Iman baling sesuatu ke arah tangga — sampai terenjut-enjut badan dia. Ustaz tanya lagi...

Karim : Ada lagi tak orang tu?

Iman angguk-anggukkan kepala sambil mengacungkan tangan tunjuk ke arah luar rumah pula. Ustaz ulang lagi sekali permintaannya...

Karim : Nah bara api lagi — Iman baling orang tu sampai orang tu mati.

Iman terus buat aksi membaling sesuatu yang aku sendiri tidak nampak hinggakan anak bongsuku ini nak nangis. Ustaz tanya lagi...

Karim : Ada lagi tak?

Iman geleng-gelengkan kepalanya — memberikan makna hantu sepet berwarna hijau gelap berfesyenkan rambut Iron Maiden dah tak ada di luar rumah mahupun di dalam rumah.



Sesudah Iman cemerlang membaling bara api hingga hantu sepet itu mati — ustaz menerangkan, hijab mata Iman terbuka tanpa disengajakan...

Karim : Apa yang terjadi kepada Iman — ini semua kun fayakun dari keagungan Allah. Secara realitinya sesuatu tempat itu nampak normal — macam rumah ini — hakikatnya tanpa kita

sedari rumah ini sebenarnya tidak normal kerana dihuni oleh makhluk yang kita sendiri tidak nampak. Alhamdulillah, kun fayakun dari keagungan Allah — Iman diizinkan melihat rupa menyeramkan makhluk itu. Iman pula tak tahu makhluk menyeramkan yang dia nampak itu makhluk apa? Nasib baik dia tak tahu — kalau dia tahu boleh 🤒 demam Iman ni.

Ustaz bacakan doa menutup hijab mata Iman untuk mengelakkan anak bongsuku ini dibelenggu 1,001 macam berjenis-jenis hantu/momok yang memiliki rupa menyeramkan lagi menakutkan.

Ustaz Karim mintak izin untuk “scan” rumah — dia masuk bilik ke bilik — sambil membaca ayat Al-Quran disertai dengan menghembus nafasnya. Tup tup tup nampaklah tangan ustaz seperti menangkap sesuatu — terus masukkan dalam botol. Ustaz cakap...

Karim : Depan rumah ni kawasan mundar-mandir makhluk ciptaan Allah ni, terkadang mereka tersesat masuk dalam rumah ni.

Selepas dari pengakuan jujur Iman melihat hantu sepet hinggalah ustaz Karim datang untuk menyelesaikan gangguan Si Sepet serta menangkap hantu-hantu yang tersesat masuk dalam rumah ini — takde lagi gangguan — alhamdulillah.

Maaflah jalan cerita seram ini tersekat-sekat. Aku tak reti nak mengarang cerita — cuma nak berkongsi realiti seram lagi menyeramkan kisah hantu/momok kepada pembaca.

Ada 2 3 lagi kisah misteri yang Sofia alami — isteri tersayangku ini mungkin senang “nampak” kot — selalu sangat kena tindih — kadang-kadang sampai lebam. Ustaz ada ubatkan pada waktu yang sama — alhamdulillah, selepas itu situasi menyeramkan yang dialami Sofia dah kurang sikit. 🐼

